

طلسم



يا حزن حزم حلمنا فى كل اتجاه
طلسم ملامح سكتته لحد اما تاه
رش العمل والتعوديات فى الجبانات
مات اللى مات والباقى عاش بره الحياة
فازاي تكونوا انتوا النواة
وانتوا اللى طارحين الأمل؟
والمحتمل واللى محال يوم يُحتمل
يبقى الأمل
مروي بعطش المقهورين
دا المغلوبين الساكتين
الكادحين

بيكملوا فطارهم نيام

سايبنا ليه أشباه جمال

ياللى انتوا سارقين السنام

وحكمتوا ليه على حلمنا

مدفون كما راس النعام؟

وحمام ومدبوح من الجناح

وسط البراح

وبراحه صحرا بدون سفينة

يا من غزلتوا من الكلام أجمل مدينة

ماعادش باقي حاجة لينا من واديننا

وادينا بنمد الإيدين المبتورين فوق الكتاف

عجافكوا ببسلم عجاف

الوادي صار كتلة جفاف
أعشاب بتتمو فى الجبال وقت الغروب

كل الحبوب

ماطرِحش منها غير العُكُوب (١)

لإزالة السم اللي فينا

ولسه فينا

سرطان وحالف يحتوينا

يا حلمنا المبدور فى بور

وبحور هلاك متيبسة

كل الببيان متتربسة

بققلين فلولاذ

يا أيها الحلم الإزاز

بشريطة سودة من القماش

إوعاك تطاطي وثور لنا

لون القماش من عمرنا

أرجوك بلاش

تفضل أسير جوه التابوت

إنهض وزعق فى السكوت

كل اللى ساكنين فى القبور

راحوا بكفنههم صوتوا

وانا صوتي راح من غير ما اروح

او عاك تموت

بزيادة موت

أرجوك ساعدني يكون لي صوت

(١) العكوب : أعشاب تعزز صحة الكبد وتساعد على إزالة السموم